

藍泉集

上

館 番 号	書 架 号	圖 函 号	誤 冊 数	部 門 三 甲 四
一 二			三	

藍泉集

三白楊氏保管

興山俊先生著

藍泉集

周防德府

百世堂藏版

叙

藍翁為樸茂長者
也余竊聞之藤才良
將矣後源彥峻給事
我家又稱其文章墳

不釋焉翁執木門人
集其遺稿將上梓表
峻亦董之予是以請
余序余雖昧文事為之
卷舒不釋手雖曰護

園社中老古文辭
在未必是過已抑其
修為富贖行文雄
偉由文想人宜若磊
落不羈而畧於德行

者然其為朴茂長
在乃余所既然知也
目書以告世之獨觀
其文而未到其人左
云

文化甲戌中秋
蘭齋主人識



藍泉集叙



余與役子管鮑相許者
數十年以余有一日長
也役子不敢雁行而進
蓋其性淳厚乃尔余老

而坎壈于時匏瓜不食
役子則道孚上下者德
日顯一窮一達不能出
境廼赤牘往來披瀝心
吏未嘗不慨然曰千里

比肩會面何日也既而
役子以己己歲溘為逝
矣宿心不遂終為永訣
大壑之嗟如喪手臂居
三年役子之徒野邨生

大年刊行是稿馳价謁
叙于余余老矣述作之
業久已廢落且役子才
高而學敦其摘藻如睿
葩固有獨行古人中而

無怍色者耄朽如余庸
詎取役子之重哉然役
子以余為知己而我視
猶役子役子有知真以
我為憇乎幽冥之間負

此良友我何以見役子
於地下矣余雖羸何曾
不勉強以繫數字乎昔
鄭子皮死子產哭之曰
吾已無為為善矣嗚呼

役子逝矣我欲有言孰
令聽之况役子之業萃
乎有立梓而行之後人
必見其所見矣我不敢
少褒之古人所謂親父

不為其子媒者以從子
 為匪他也以從子之非
 藉人言名高者我不敢
 品藻為銜以辱從子之
 義為其生也榮其死也

慕其於立身立言從子
 其不差哉乎

文化卒未秋八月既
 望北筑龜井魯題於
 百道林亭水檻



藍泉集目錄

卷上

擬古樂府十一首

雜體五首

五言古三首

七言古十九首

卷中

五言律十五首

五言排律五首

七言律六十三首

七言排律一首

五言絕句八首

七言絕句四十七首

卷下

序四首

記五首

書一首

藍泉集目錄終

藍泉集卷上

周陽德府教授 役 觀興山 著

助教 竹村晉士明

訓導 本城訥伯毅同校

訓導 御座章子相

擬古樂府

遠遊篇

八駿僅螺羸九州何圃場我跨大鵬背九萬擊天揚
長霓為我帶丹霞為我裳浮雲為我蓋剛風來蒼蒼
蓬壺即東園瑤池即西廂崇朝僅濶步我馬未玄黃

來叩上帝居直上太微堂列缺何廣廓日月出棟梁
維北有斗柄星漢酌之漿泰山以為孟茫茫顧八荒

長安有狹斜行

長安有狹路路狹車何多絡繹屬何處委積丞相家
丞相何貴權甲第隱大莊驛駟繫門欄列戟森挾霜
冠劍何旁午談笑殷中堂冢子朝執法仲子殿中郎
少子藉特進項復侍建章五日皆歸省熏灼鬪輝光
駟馬擁大蓋僕御何揚揚兩服皆上襄兩驂且雁行
後苑十二樓樓樓列洞房雙鶴巢其樹雙燕繞其梁
大婦秦弄玉仲婦齊孟姜少婦在長安曾曰杜曲娘

丈人且安坐為娛良未央

烏生八九子

豫章抽千仞元立深山窮谷陽嗒我深山窮谷有命
世巨匠能用匠石技公輸方左持繩墨右執斧斲低
回其旁咨嗟瞻望嗒我巨眼相其材為非常截輸洛
陽作為明堂豫章生山谷時乃混荆叢棘蒼嗒我人
民安知其材良巍巍明堂斯為棟梁瘦驥既服大行
鹽車下伯樂一顧千里初施嗒我仲父起囚齊國四
海以治白壁復埋楚山瓦礫間下和一眄連城即知
嗒我人民實有偶奇死生窮達命其何為

孤兒行

孤兒生孤兒生非其時父母在世飽甘毳服輕肥父
母一瞑兄嫂命我墾菑右牽黃犢左負鋤基朝夕在
田不敢言疲面目黎黑手足胼胝太兄言汲水大嫂
言取炊陟隴上不見父母但見其碑下隴孤兒涕零
交頤使我朝往採薪薪之途長既破我斧又缺我斨
捨斧與斨荆棘是跟血流至踵裹之以裳身僅襤褸
腹乃糟糠晝茅宵絢啓居弗遑苦楚如此不若早去
下就幽鄉秋功至農事忙嘉禾垂畦百穀登塲將此
柴車載彼禾穰烏雀相聚啾啾其旁願啄我肉莫啄

我梁割肉猶可耗梁可傷兄與嫂嚴且急恐其會計
凶當亂曰採薪一何苦辛作書寄阿親疾藜可依兄
嫂難因

前緩聲歌

幽獄之龍必有鹽車之騏世界缺陷人生差池誰跨
揚州鶴得取遐齡且富貴縻之當復思左遷之蓋必
有右轉之輪弁沉無常滄海之塵蓬萊邈矣崑崙嶙
願君聽歌曲醉良醇

有所思

有所思有所思在水中央何用遺之錦衣繡裳緣以

相思樹繪以兩鴛鴦又何用遺之明珠夜光木蘭以
為瓊珊瑚以為裝聞君有它心錦是裂珠是傷臨流
投其物願使相思頓相忘相思相忘勿復相望后天
后土余心彰彰异矣异矣其室咫尺其人參商心有
波瀾不可量

艷歌行二首

大鵬九萬志尺鷃安得窺人生天地間寸心各有期
滔滔一世間肝膈誰可披願得大豪傑頡頏一當之
百憂自中來雙淚掩袂悲語鄉且莫悲調高和自稀
昭曠千古外可以希相知

其二

大宛產名馬汗血多良駒上駟稱綠耳中駟呼駒駝
漢王遣使者良駒竊自愉此馬在大宛千里思長驅
渴飲交河水饑齧玉山芻長風生足下飛電馳八衢
誰能駕馭之猛將與武夫加以黃金勒飾以明月珠
本期從軍行今服遊幸車

長歌行三首

滾滾長流水一往無復歸日月非可惜功業恐失期
誰揮魯陽戈能回頽日移丈夫有寸志盍及少壯時
流光不相待請見白駒馳

其二

仙人駕黃鶴，翩躚下九天。兩耳垂兩肩，鬚髮何蒼然。迎我崆峒上，送我緱山巔。投我一玉箱，中有大還丹。服之好顏色，長生壽千年。

其三

鑿鑿水中石，猗猗谷中蘭。眾人何齷齪，志士多苦艱。驅車出郭門，士庶滿城闈。東西爭名利，來往何囂囂。一世皆同轍，千歲誰比肩。無為追腐臭，徒為北印塵。

雜體

四懷詩

井中窺天則，類天斯盡。夜蟲傳火，不疑於日。今狗狗鄉曲，而不知世界。有何事論是非，得失于其際。鼻間詡詡者，獨何心哉。

我所懷兮在蒙莊，周昭曠遠覽天地。流稊禾之小視，九州蠢蠢衆庶。渾蜉蝣無何有，鄉道遙游。死生變化，任去留。放言自恣，有誰酌。嗚呼古之人，襟期濶大如斯。其殊今亡矣，夫今亡矣夫。

不言爵祿富貴乎，爵而公侯伯子男，邪祿而萬乘若千駟，邪或可以論焉。咫尺位斗筭，祿何富貴之有。然為其眩惑，謂古人何。

我所懷兮在嚴子陵羊裘魚竿高自騰自非伊呂誰
其朋睥睨萬乘輜如蠅紫詔三命強應徵脚踏帝腹
天坐憑星言夙駕留不能嗚呼古之人高邁獨往如
斯其殊今亡矣夫今亡矣夫

四海亦大矣然冀知一世基指猶淺里閉月
且何有乎達藝士

我所懷兮在大史遷雄文一代何翩翩扶取造化作
芸篇還歸造化名山巔豈無文藻多少賢炳蔚炎漢
中興年一覽宇內無比肩嗚呼古之人時見卓識如
斯其殊今亡矣夫今亡矣夫

居則曰無吾知也若或知爾則何以哉

我所懷兮在諸葛公襄陽城下一儒宮畎畝樂道身
將終橐鞬一舉計何雄豹隱龍躍兩為工分鼎之役
惟爾切果然管仲樂毅同嗚呼古之人才識卓量如
斯其殊今亡矣夫今亡矣夫

落花嘆

莊伯起小祥忌偶得泮宮試題落花嘆因賦
寓哀

落花嘆落花嘆今年花與去年依去年人至今年非
始知人生花不似安得春風去復歸落花嘆落花嘆

去歲經幾霜雪來今春始得雨露開開時未幾還散
落點點渾作滿庭苔落花嘆武昌城中春應徧人逐
落花不復返馬鬣封前草芊芊殘鳥如呼蝶似戀落
花嘆花飛無宿柯水逝無滯波雨雨風風綠樹林春
去花飛如汝何

五言古

朝起

宿雨濯碧落新暉射絳帷夜剪西窗燭沉夢醒自遲
群雀爭告曙啾啾繞茅茨起漱寒泉淨行踏階苔滋
池荷袖湛水槿花傍殘籬稚蘭多秀葉湛露重參差

睡眸稍生冷懶襟頓知披家僮折圃葵聊復療調飢

秋夕雄公精舍讀楞嚴經

林壑含秋氣風葉墜涼天當斯山館夕閉戶讀梵篇
三界皆火宅煩惱日具纏從聞空門教頓悟離塵緣
諸聖交一臂妙論邇千年安知祇陀苑即非般若巔
潭影一輪月松聲四壁絃誦至杳妙境搞不各嗒然
真理歸幽默清機入至玄萬籟夜深寂一燈吐紫烟

藍泉亭

亭在城東左右山海密邇田畝春朝花夕頰
有幽趣自意滿明粟里摩詰輞川不之過暇

日聊有游詠如左

連山走大海平蕪接大荒蒼松含翠竹蘭渚何茫茫
乃爰卜我宇環堵一書堂天門排我闥巨鳴挿我梁
藍泉濯我纓滔滔象滄浪拄笏依一欄推牕望八方
海瀾含旭日山葩耀春陽雙橋架長虹嫩柳拂石塘
叢林何翳鬱佛龕殊芥蒼萃鯨聞朝夕幻夢警無常
鄙哉人間世熙熙貪膏粱高臺卜波池錦殿列繡房
鐘鼓張琴瑟游宴涉流光富貴雖信樂盍見彼北邙
生存僅葦屋零落唯荒岡歡樂彼一時轉眄今則亡
猗彼三珠樹翠羽含花翔玲瓏豈不美安知丸在傍

苟合從古人輪奐非所臧鷓鴣安一枝尺鷃各徜徉
於陵灌我園淵明植我楊蓬蒿仰仲蔚叢桂學淮王
三徑迎暖氣群燕繞群芳時有同心友履聲響苔廊
滌蔥聊作蔬枯魚且濁漿客有彈無絃主則盪芋簧
豈無韶與武擊壤亦我微醺發耳後携手出翳桑
山嵐撲衣袂水禽動詩腸聊此放我性來往有誰妨
况此千秋業詩書託行藏西洞與渠祿夥戎滿東廂
蠖屈聊抱膝優游幾星霜昭曠涉古今旦暮溯虞唐
憲舍陋何慙顏瓢樂未央上漏而下濕嘒嘒惟古狂
春雨一以降霖潦浹旬長北牖僅引白日日探詩囊

苔徑艸已綠藥欄柳亦黃流鶯牽我夢時入葦香鄉
有人來叩我四時何所康春園折露葵夏簞引幽篁
秋冬又何有雪月繞孤牀四勝有代謝隻卷樂無疆
我有斗筲祿代耕飽糟糠下帷時賣卜繙經或揚觥
巫醫安我分偃蹇藪王皇泉石任杖履畎畝即壺觴
須歌田園樂或賦農事忙非學梁甫吟聊此綴蕪章

七言古

奉送君上東觀

江家文藻何翩翩清門典刑振古傳我公風詩有淵
源纔叩金石即鏗然寧惟郢音高一時擬使南薰被

五絃驕奢不爲富貴容朗月清風詩一篇溫厚教就
政稱美輿誦歡然起閭里家唱天保戶南山獻君萬
壽又千社鳴鳳館頭翰墨林星言夙駕閱青衿武弁
子弟何超乘距躍三百戈三尋濟濟多士文且武寧
愁人才老陸沉直入政府閱庶務願言寬裕慎擁護
天職由來在黎庶三捐國相苦眷顧時逼東觀促節
戟旌旆翩翾騎絡繹和日晴煙春亦好亂柳飛花邈
亭驛函谷東過大都開金湯衝天庶矣哉海內二百
有餘侯玉帛朝覲去復來百川無水不東歸仰止四
海澄清才君不聞絃歌之音升廟廊巍巍堂堂開明

堂彩霓耀日翼斯揚青雲上事我不知庶有盛典擬
夏商若采國風撰十五極知周南在首章

再奉送君上東觀

漫錄放言獨自憐肯擬司馬艸封禪我公何心命使
者苦微少年以來篇憶昔少年講業時英志駸共白
駒馳朝削十牘夕三賦吟哦無日不騷詩自期竊媿
古作者其如人世與願差家嚴捨我百事异老矣吾
今無能為烟柳風花春三月我公躍馬發封域此生
小人有何贖賴見後車載書副太玄嗟他待桓譚魏
文不及使君德使君修德且嫺文經國大業須策勲

請看多少扈從士行歌郢曲口齋盃一自周南頌麟
趾四境絃歌日夕起鳴鳳館閑鳴鳳飛吾生何幸觀
此美永祿之際有祖良親接洞公在執陽元和第
五辱東帛爾來二百邈星霜漫受素餐稱尸祝尸祝
踰樽又翰場歷世鴻恩何以報願言文風被四疆東
都到日百花开雪花還映映雪臺上客相如新授簡
堪見漢年作賦才談餘倘及教方事學範一篇願請
裁

四街中即將滕公奉

勅有事于菟狹香椎雙祠既畢事東歸道過弊

邑辱微里言因賦歌行一篇獻記室云

菟狹之山海一濱祠宮高聳何嶙峋維昔應神垂
神蹟于今壇墀歌采蘋歲在甲子命奉幣四街中郎
膝縉紳星言夙駕清征路恭奉紫詔出紫宸鹵簿
森列騎絡繹送迎幾處望車塵天朝冠冕堪刮目
鏘金鳴玉自威神武門戈戟多如市一仰羽儀皆遂
巡麗日暖煙天一色四海不波太平春至治馨香協
黍稷好和人神奉明裡笑佗碧雞與金馬寧知新年
為黎民致齋三日歌雍徹歸向香椎境相隣管陵梅
林猶馥郁都府樓臺名不湮鎮西此際多名勝松洲

萱闕霸臺津極知一詠移一輪公也舊知名家嫡夙
浴天恩高位籍芳名一時翰墨林况復典樂從古
昔朝家曹子蒙風聲見君徽音協金石此行寧為閱
風謠韶護九奏奉天冊大事初畢路向東

天顏有喜君須借吁噫乎吾何為者桃茆祝禳棲周
野聖門叨薦先進班二十八貞廟其下曾向箕山接
月卿重覩星使降田舍何圖下里微已歛耻以侏離
供典雅皇華一闕吾豈敢陽關三疊情難寫福水橋
頭天漸明長雲殘月杜鵑聲欲攀車轅暫不駐遙望
九重送君行

南真先生壽詩

今自五湖一扁舟却勝蓬萊與瀛洲蹤跡任它逃隱
逸大名海內速置郵聞君卜居擬海屋高卧風塵百
不憂人間大藥無今古從是壽域添幾籌玄海灘頭
樓百尺俯臨鴻濛萬里流垂天雲起昏白日憶昨南
冥化鯤秋水擊雷鳴驚地軸憑陵扶搖六翮翺流沫
為珠四天散汪瀾如烟五彩浮其它衆羽愕吐舌相
視揄枋徒欬欬圖南一舉今昇矣雄飛九萬思昔游
嗚呼我夢與君駕黃鵠翱翔列缺凌星宿三山五城
十二樓遊倦崑崙聊游目九州如點人如蟻瞥視五

岳與四瀆遼廓六合有如此胡為一方苦躋跼旁有
靈泉可延齡囑君一爵且三祝願壽且貴多子孫僊
人顧我笑捧腹爾乃莫學揚州鶴人生有後何不足
天傾西北地東南誰能單身顯百福一唱驚坐夢忽
醒片時黃梁猶未熟君不見都府樓臺空礎石刈萱
關破艸如席又不見管神祠廟肅采蘋于今文藻表
縉紳君今六十幾變化依然三百有風雅富貴浮雲
吾何有大名由來似君寡小兒韓康伯大兒董仲舒
仲兒學伯鸞近卜灞陵居迺翁矍鑠鬢皤然仍舊陽
春一曲翩三兒相和歌且舞大人安坐千萬年

福大夫事于豐城，美謁筑石，龜子因有此贈。

渤海南，折何渺漫，片帆西去，絕汪瀾。一望雙珠峰頭，
月潮洗清暉，滿復乾。舟繫津驛，尋赤馬萬戶，人煙鬱
海關。水府酣戰，彼往事，今向彌陀樓上殘。歲華人世，
真蝶夢，指點畫障子。細看丘壑依稀，移日月英聲可
以貫乾坤。文司關頭，一古墳有客焚香，招英魂。林叢
誰躍鐵驄，出斜照，猶見血痕殷。長風千里捲飛濤，儘
怪叱叱立旗門。馬鬣封上草，芘龍鱗。樹下水潺湲，
回轅南指，筑石去名山。大澤接雄藩，維昔管公來。此
地于今崇祀，肅蘋蘩自爾，名公播遷後，都府文風有

淵源八角臺頭，福岡城髦士彬彬如雲。屯家學關西，
揚伯起夙當文壇，握赤旛。福子稱揚，每以之自期。鴻
業傳後，見我祖烈武，振古久易地。寸功樹文園，摘藻
如人，吾豈敢若立。風猷寸心寒，遙欽英風，拊髀立幸
借盈尺聽餘論。

送侍中櫻井子從駕東都

橘柚爲枳，是土鄉芝蘭入室，不知芳由來。莊嚴能齊
語好使居州，在君傍荷亭清風，花不涅。映雪樓臺白
於雪，陪游無人，不珣璉安得緇塵污。皎潔君也，輔弼
飽朝恩，彌縫天職。日盤桓顛毛種種，勞如何重見關

河從熊轡周維舊邦詩維新公家元屬西曹賓君但賦詩吾且和麟角振振于嗟麟

贈升行人往東武

藩邸行人躍驛驢朝趨七貴夕五侯歸來揮鞭向金市繁絃急管翡翠樓香靡為俗滔滔是誰料此子解風流自爾置身書畫圃都下名流日相伍揮腕山水崔嵬出彈指花卉燦爛吐題來椽筆何憑陵鳳鸞虬龍帝上舞乃復閑口歌郢曲咳唾為珠又為雨咄咄隨誰得瓊瑤千里携歸照里閭牆東一亭謝絕客圖畫四壁鎖閑居琴聲時發少文牀山響水和興何如

君不見百萬大都何壯絕目窮天下還一室都會僻陋吾何有乃知風流境自別倏忽人間白駒馳聚散離合水中蘼歸休二年飲未洽東行明日復天涯獨有夙好長不變君但携翰醉金卮

送谷子哲往東武

谷子脂車東其轅我且臨岐贈一言與君年庚相伯仲何幸生同斯乾坤君不聞詩三百廟廊委巷情不隔可以風可以數溫柔為教百莫逆君也學詩五十年讀盡喜怒哀樂篇哀樂喜怒人間世渾為繁霜上滿顛滿顛戴白太情致好入政曹試吏事政曹由來

多聚訟如沸如羹爭填積政令日夕雨紛紛誰知一
一關憂喜一人三失怨非明六馭朽索說得備周召
不學是面牆安得撫綏稱循良怨望多是在蔽塞為
霧為靈沴陰陽我公由來富風雅南薰一曲民愠瀉
盍爾賡歌稱同調寧使陽春和者寡陽春三月好天
氣水滿清溪花滿野瓢飲亭頭山色青退朝時跨款
段馬身在魏闕心在山隱見朝野無取捨使君五馬
天一涯之子千里遠追隨出餞郊垌人多少多是年
少輕別離老來獨揮花前淚締交况自竹馬時看君
年老事亦老須知此生多懊惱若問政治只國風君

子為風小人州

渡生歸省喜賦

大雅陵遲已如此四海寥寥正始音已歛吳謠徒駘
耳曾無古操被古琴聞說筑紫傳異曲幽蘭白雪尚
可尋傾耳側身徒夢寐誰以楚人寫齊吟渡家有子
妙音律拊背唯言汝可任一往三歲不復返寢食兩
忘何況淫家有雙親倚閭望千里各天奈商參豈無
百感集方寸惟是一諾重千金歸省今日遽倒屣風
霜深裳髮被襟自道伏思已穿案定知苦學殊痛心
試被橐中歌一曲上轡行雲下霜林飛鳥游魚皆感

格哀音寒調淚不禁擊節一聲又三嘆何事憑陵至
如今丈夫三日皆刮目良駒千里誰茲驂大雅陵遲
已如此斯曲由來我所欽將子更携絲與竹三載畢
業紫水潯

五日集太玄洞醉後賦

不須係五絲但應傾一卮人在堪輿間恍如白駒馳
百年生涯何倉渠浮雲流水遷居諸憶昨碧桃輝後
苑俄爾赤榴嬌前除三春風花散几案五日蒲竹繞
屋廬佳節頻移老將至酒盈冰壺長湛如太玄洞中
松樹林拂檐薰風落孤琴綠艸丹葩參差出積雨濛

濛晴又陰已從抱病多餘暇况復避塵養幽襟胸中
磊塊吐如洗睥睨乾坤空古今笑他屈子何清高徒
守獨醒附離騷不如拍浮酒池裡左舉太白右持螯

貽龜元鳳

客有紫海釣巨鼈釣罷長竿投長濤直向周南杳一
舉赤馬闕頭海岸高長風三十六前灘潮擊遙天翻
白旄若木崑閭真咫尺橫絕溟渤解鬱陶此子舊嫺
風雅頌其文何曾讓古騷飾以春月之燦爛洗以大
海之滂滔未上藍閣氣未消勃勃衛口皆歌謠纔寫
毫素如雲烟紫鸞丹鳳席上飄唱來錚錚金石響掃

龍離披錦繡袖，吁戲乎誰生寧馨兒。突其冠兮婉清
標，吾黨作者爭螳。慕慘執征裾，皆招邀自爾。翱翔
苑中無日摘藻，不春條藍水。春酒紫葡萄，天門霞月
丹鳳簫。君唱我和，忘肉味。那但三月聞商韶，交驩未
央離歌起。驪駒晨嘶，振鸞鑣。防陽東畔，錦帶橋。橋作
奇巧，鬼神彫碧落。含晴度虹霓，下臨不測。何嘗冕君
試臨流洗繡句，會作錦帶夕陽嬌。

宴飯隱士園園類村居翁早致仕高卧自樂云
仕官不須車生耳，嘉遁何必伴鹿豕。一牆避世擬東
村村居亦不勞，耒耜有客有客字羊裘。從君且為東

村游標有梅兮有鳴鵙，微雨陰雲岐麥秋。晏坐醉我
過三爵，紅鬣徑又鱗。欲躍醉後耳熱呼嗚嗚，土鼓蕢
桴勝古樂。笑它金紫競官途，金紫未變身先枯。一場
蝶夢君能悟，有酒須醉無酒酤。

遊瀟湘庵歌行

澤國形勝世所傳，惱殺古人幾。詩篇我向夢裡徒想
像，安知瀟湘在目前。象鼻山頭一宛丘，崑公遁跡古
菟裘。裊海巧學江湖湧，閤簾千里入雙眸。仙人貽我
翠屏障，橫絕滄洋畫碧流。太華臺筵次第出，宛如九
疑繞。荊州中浴孤兒山一點，欲向君山迥唱酬。綠竹

如簣青烟吐，即是多景青汀洲。風拂琅玕奏笙簧，颯
颯淒淒驟雨秋。試立欄頭柱，芴望寧讓當年岳陽樓。
吁嗟崑公何為者，能縮千里巧相寫。縉雲晴日好風
景，招招詞客試騷雅。繽紛彩箋為雲飛，淋漓墨浪為
雨灑。為雨為雲詩與画，慙為真形退三舍。一詩一畫
且一盃，頽日西傾人未回。萬壑千峰爭獻媚，渾入瑠
璃鏡中開。餘霞殘烟腸欲斷，絕叫喝采妙妙哉。斯須
明月東方出，乍化世界作銀臺。片帆點綴山隱見，水
碧沙明兩岸苔。孔道東開松崢嶸，何惟西湖九里名。
天籟一起堪洗耳，鬢鬢二十五絃聲。鴻雁北度人東

去山閣夜深夢獨清，君見世界何常住。雲聚雨散無
限情，登臨如此不可屢。人生百年真寄寓，瀟湘一帶
流不休。乾坤唯餘楚人賦。

貽洛陽村孟中

黃備之城出健兒，材官蹶張協雄姿。鞬鈐在手年未
壯，大冠如箕劍支頤。夙抽武弁屬親隊，提挈壯士從
指揮。君侯鹵簿實壯哉，寵幸極知冠一時。霜天十月
原艸編好騁，鐵驄獵林麓。從行羽騎多，如雲弓鎗爭
技試。手熟生也空拳無一物，獨盛醇醪杖椽竹。行傾
鄆筒藉草踞，纔至酡顏即盡斛。忽有封豕起目前，血

牙磨礪進退速一鼓腰刀血沾縷若如俎上解鼎肉
窮巷姦猾膽太麤曾擾封境繫聚徒盤結牢固喻不
聽其奈豺狼妨當途誰授長纓歸面縛爾先終童握
兵符從橫兩劍鐵轆轤馳逐雙鞬金僕姑科頭叱吒
人辟易直赴敵壘如振枯凶徒望風忽瓦解一洗四
郊邊事無自言武技誰買勇如論風騷手空拱紫筑
赤馬途千里忽排關門裹糧踵直上南真夫子堂無
人相視不驚竦自我得由無惡言好作禦侮護孔門
弘毅重任道不難狐貉借友情何敦畱滯一期君命
召途到周南駐其轅苦說師恩泣如雨即知忼慨過

孟賁材良如斯真足用隱然敵國重一藩

同松東山訪熊東作山莊

熊家兄弟各雄文維熊維羆好為群還學玄豹隱巖
岳五里生霧吐氤氲我来振衣棲雲室綠竹當檐風
蕭瑟客有松陰斲苓人飄自太玄洞裏出戴星出入
人不知俱來此際退藏密維昔仙叟降靈丘熊氏有仙叟假
面曾自天降今猶傳霓裳羽衣試天游于今髯顏留片影闕宮
有血山上頭自是君家有仙蹟世人誰得知其由自
爾杏林藏靈藥人間漫傳韓伯休家在富春春秋富
相對三山與十洲却老能染白人白鬢鳴梳風沐海

流丹書讀罷眠殘燭曉鳥喚未歌數曲晨起沆瀣滴
庭柯芝艸離離映朝旭丹霞翠嵐堪加餐始知仙家
得仙籙瑤池天門去路遙御風歸未不崇朝飄忽即
墜人間世分明昨夜病絳霄

觀堀川夜戰圖引

昨夜海西奏凱歸將軍威名天下稀聞外之寄惟爾
在新賜甲第接帝闈堀川樓頭深恩露鎌倉臺下多
禍機只今百戰真無賴自古兩雄不相依東來使者
何驚桀身犯萬死入虎穴袖裡鐵推輕朱亥擬擒晉
鄙歸累紕姦膽一破姦計生詐載盟書軟以血威加

四海無格虜去矣爾輩類蛙鼃白拍子歌宴正闌銀
燭高張長夜漫帳中靡曼舞勸酒倒傾金壘罄君歡
歌曲未闋金鼓起何來門外躍銀鞍喇叭同聲振林
木劍花戟光星闌千醉態如泥漫弗省一束金甲鳴
耳端突起振袂電眼輝手裡寶刀冰雪寒娘子軍旗
千人廢由基良弓七札貫東馳西來人滿地白羽如
月雲是騎一掃凶徒皆回避颯如狂風掃落葉戰罷
餘勇猶勃勃來叩帝闈奏戰事血腥在手箭橫腰壯
哉源家一將帥君不聞鐵柝萬仞向天橫金湯巍巍
一谷城誰叱鐵驪襲崢嶸又不聞讚海波濤拍碧霄

一舉八艘何捷趨，翻如六翮擊扶搖。大物灘頭何落魄，芳野山中無客跡。時來龍蛇掣雲煙，勢去鯢鯨困泥澤。所以扁舟五湖隈，功就名遂歸去來。

老子駕青牛圖

李老人李老人，朝守周室圖書府。夕尋仙家杳邈津，雙耳垂肩眉參參。混沌不鑿，全天真。東魯人出，歎猶龍中原道衰，恐獲麟。關門令尹何巧兒，五千緒論請得新。蓬累蟬蛻天地外，玄之又玄妙且神。青牛飄飄駕紫氣，西踰函嶺杳無塵。

送河道平歸黃薇

桑麻五畝宅，稻梁一丘阿。人耕息壤藉，帝力愛爾混。泯無浮華笑，它書劍輕薄。子雄辯波濤瀉，懸河挾藻翩翩。才思湧其奈，澆漓離樸何。君家大人多質行，閭里善教歌。伐柯之子典刑從，老成景仰日。切碩人邁一自易子事，博訪關西周南歷。涉多虛名太史慙，史筆世家夫子事。絃歌極知崑岡獲，片玉還向它山問。切磋講業於我其何有，已攀龍門經一科。金蘭祗解憐臭味，四海兄弟本匪它。况復忠信多忠質，情好漸共歲月加。藍水天門一書閣，日賦招隱與君哦。霜後悲風催木葉，故山猿窟思桂蘿。趨庭幾日無伯魚，下

幾久已待孟軻禾稼登場人亦返父老相迎醉顏酡

酒酣倘問千金壽披褐君第獻隋和道平游筑又學

歸其鄉云

夢李白 洋宮試業作

已稱詩中聖還呼酒中仙我傾三百孟恍見李青蓮

形如瀑布圖中在心高峨眉山月篇是邪非邪來不

來邈矣萬里且千年倏忽交臂果何如桃李花飛月

一天

藍泉集卷上終

